

Ja Saamaaj

Tz'ib'aneel
Andrés Cholutío
B'anol achib'al
Mayra Fong Rodríguez



Universidad
Rafael Landívar


Universidad Jesuita en Guatemala

Ejemplar de archivo



Ja Saamaaj

Tz'ib'aneel
Andrés Cholutío
B'anol achib'al
Mayra Fong Rodríguez



La elaboración e impresión del presente libro fue posible gracias al apoyo financiero del Fondo de Desarrollo Indígena Guatemalteco -FODIGUA-.

Molib'al tziiij/Colección:	Ruwujal tijooneem/Materiales Educativos, No. 206
Rucholajiiil/Serie:	Tz'utujiiil, No. 10
Rumokib'aliil/Área:	Soloos nuk'uuj rixiin b'anib'aliil/Estudios Sociales, No. 3
Mokib'aliil/Directora de la colección:	Lucía Verdugo de Lima
Tz'ijb'aneel/Autor:	Andrés Cholutío
B'anol achib'al/Ilustradora:	Mayra Fong Rodríguez
Nuk'ul rujikaal/Diagramador:	Carlos R. Figueroa
Nuk'ul tziiij/Revisor:	Ajpub' Pablo García

Lic. Gonzalo de Villa, sj
Rector
Licda. Guillermina Herrera Peña
Vicerrectora General
Dr. René Poitevin
Vicerrector Académico
Dr. Hugo Beteta
Vicerrector Administrativo
Lic. Luis Quan
Secretario General

Ookeem

Jaawa' ti saamaaj ri' nqaaya' opoon chi
eewach, maltiyox chi ke ja winaqii' ja
xkeech'ob' chi rajawaxiik chi nk'eje' jun ti
qaawuuj, chi nqojtaqiiij ja naquun k'o chi
paam ja qab'ajniik ja ri oq aj Tz'utujiil.
Ja k'a nqaachol ri', ja taq saamaaj ja
neb'anataj chi paam ja qatinaamitaal.

Ee k'o na ja ma xoqkowiin ta xqaasol riiij
ruuwach, chi paam chik na k'a jun xtiqaasol
wi' riiij chi eewach.

Telisaaj k'a ee na'ooj chi riiij ja taq tziij ja
xqatz'ijb'aaj ri.

Ja Saamaaj



¿Naq ja nruuk'ut chi
eewach ja ri achib'al?
La k'ol na'ooj nruuya' kaan
chi qe ja ri achib'al ri'.
Naq ja qas nb'anataj chi
ruuwach ja ri achib'al.
Ma k'o chi ta jun ti na'ooj
neech'ob' chi riij ja ti
achib'al ri'.

Rajawaxiik chi ee k'o saamaaj
neqojtaqiiij.

Ja saamaaj, jaari' ja nuub'an ja jun
winaq chi ruch'ajkiik ja ruuway
ruk'uyaa'. Chaqajaa' utz chi re ja
rub'aqiil, runa'ooj, utz k'a chi ma
k'o ta jun yawajik nqa'j chi
riij. Konojeel ja winaqii'
nesamaji, nsamaji ja
b'eyoom, k'in nsamaji ja
meeb'aa'.





Naq chi samaajiil ja
k'utuun chik chi eewach
ixix kumaal ja ri eetee'
etata'.

Chi paam ja qatinaamitaal k'iy
ruuwach saamaaj nb'anataji.
Ee k'oli ja winaqii', k'iy
ruuwach ja saamaaj
nkeeb'an chi paam ja
kik'aslemaal.

Ja pa qatinaamitaal, ma
keeyoon ta ja ri aachi'aa'
nesamaji, ixoqii' chaqajaa'
k'oli ja kisamaaj.




Ja k'a saamaaj ja qas nb'anataji, jaari'
ja tikoj awan, tikoj kinaq', rusamajixiik
ja xojt, chapoj ch'uu', rusamajixiik
ja ch'upup, rusamajixiik ja saqkiy,
rusamajixiik ja b'anoj achib'al,



b'onoj taq b'oniil chi re ja ri
achib'al, t'iso'm, keem, k'utuuj
sik'in ruuwach wuuj, tikoj xanakat,
q'oloj kape, k'ayiin taq xanakat,
q'ojmaneem, loq'ooj taq kape, k'ayiin
sii', k'ayin taq ch'uu' k'in k'ayiineem.

K'o chik na juulee' saamaaj ja neb'anataji,
xtiqachol na chi eewach chi paam ja ti
qaawuuj ri'.



K'oli ja taq saamaaj ma keb'ajn chik kaamiik, rumajk
ja ma keeko'j chik ja taq naquun.

Ja Tikoj awan

¿Naq iik' ntijki ja ri awan ewu k'iin ixix?
Naq nb'ajn chi re rukonoxiik ja ri ija'tz kumaal ja
winaqii'.

Chi paam ja qatinaamitaal konojeel ja winaqii' nkeetik
ja ri awan, kojtaq chi jaari' oq k'as wi'.





Ja nb'ajn chi re ja tikoj awan, najb'eey nkonoxi ja ri
ija'tz, nkonoxi ja q'iiij ntijk wi'. Nko'j rupoom ja ri ija'tz
utz k'a chi nel to. K'ajaa' k'a ri' toq ee taq nimaq chik
nchapataj rujosq'ixiik ruupaan, k'ajaa' k'a ri' toq nuub'an
chi taq ojch', nchapataj rutz'ejtiik, utz k'a ma keeti'j
kumaal ja taq chikopii'.

Keeri' k'a nb'ajn chi re toq nq'anar riij, nme'i, utz k'a chi nchaqiiji k'in ma tixijl ruuwi' kumaal ja taq chikopii'. Toq nkeetz'at ja winaqii' chi chaqiiij chik nkeemaj rujajch'iik.






Jaru' rub'oniil ja kinaq' ja ri awotaq atat.
Ee k'oli ja winaqii' nkeetik kinaq' chi riij ja ri awan, utz k'a
chi ka'i' tijko'm ja nkelisaaj chi ruuwach ja kichenooj. K'in
chaqajaa' nkeeto' kii' ja taq tijko'm, chi re ruchojq'aaq' ja ri
uleew.



Ja k'a chi riij ja taq chee' ja k'o pa taq
kichenooj nkeetik, piley chi riij, kojtaq chi k'iy
ruuq'a' ne'el eel, k'in najt nb'e, xa k'a rumajk
k'ari' chi riij ja chee' nkeetik wi'.

Ja taq awan k'iy taq ruuwach ja rub'oniil, ja
nqaab'ij ixiim chi re, ee k'o kaq, saq, rax
ruuwach, k'in q'an.




Ja rusamajixiik ja xojt

K'oli ewojtaq ixix naq chi taq samaajiil ja ma keeb'ajn chik.


K'o k'a juulee' ja saamaaj xekeeb'an ja qaatee' qatata' ojeer.

Jani' chi re ja b'anoj taq xojt.
Xekeeb'an ja keexojt ja
xkeekoj pa ruuwi' ja
koochooch. Utz k'a chi ma
tikeena' ruuwach q'iij k'in
ma tikeena' teew, k'in
ruxulaa' juuyu'.



Ja ri ee je'ee' kojtaq naq chi ulewaal ja nooki ja xojt, k'in naq nb'anataj chi re rub'ajniik.

Chaqajaa' kojtaq naq nb'ajn chi re ruporoxiik. Ja k'a kaamiik ma k'o chik ta ja saamaaj ri', rumajk ja xok to ja ch'ijch', ja no'k pa ruuwi' ja taq jaay.



Ma k'o chik ta ja xojt nko'ji, k'in chaqajaa' ma ee k'o
chi ta neb'anowi, ma jani' ta chi paam chik juulee'
tinaamit, q'anij jaa wi' ja xojt nko'j pa
ruuwi' ja jaay. Kee ri' xruub'an ja
xojt chi xk'iis qaaj rub'ajniik.



Keewa' nb'ajn chi re ja rusamajixiik ja xojt ri'.
Najb'eey, nkonoxi ja ruuleew nooki, ma ronojeel ta chi
uleewaal nooki, ee k'oli ja winaqii' nkeeb'iij chi re chi kaach'
uleew ja nojo'xi.

Nb'ajni ja ch'ab'aq, qas nkeeb'an chi aqan, utz k'a chi ma
k'o ta b'urub'aq nk'eje' kaan chi paam.




Nchapataj k'a rub'ajniik ja xojt, kumaal ja winaqii', k'ajaa' k'a ri', nkeesa' chi ruuwach q'iiij, utz k'a chi nchaqiiiji. Toq nchaqiiiji, nkonox sii' ja nya' chi ruuxee', nya' k'im pa ruuwi', chi nporoxi.



Chi ruukaab' q'iiij nelisaxi, chi utz chik nok pa ruuwi' jaay.

Keeri' k'ari' nb'ajn chi re ja xojt, ee k'o na ja tinaamit nekojowi, k'in ee k'o na neb'anowi, jani' chi ke ja ri ee aj K'iche', aj Poqomaam, aj Rab'inaal, k'in aj B'oko'.



Rusamajixiik ja Ch'upup


¿B'aar chi ri' nsamajix wi' ja ch'upup.?

Ee k'iy ja winaqii' ja nesamajini ja ch'upup, chi paam ja qatinaamitaal. K'iy ruuwach ja taq naquun ja nkeeb'an chi re. Ja ri ee aj Tz'ikin Juuyu', aj Xe' Tok'or.



Ee je'ee' k'a ri' ja winaqii' ja qas nesamajini ja
ch'upup ri'. Ja k'a juulee' tinaamit chik juun chik
na, chi saamaaj ja qas nkeeb'an.

Xa k'a rulojq'iik nkeeb'an chik ee je'ee' chi ke ja
b'anol taq rixiin.



Naq nb'ajn chi re ja ch'upup.

Jani' chi re ja poj, ch'upup k'a okinaq chi re
rub'ajniik. Ja winaqii' nkeeb'an sale'y, xupub'al q'aaq'
chaqojaa'. Ma ee k'iy chik ta ja winaqii' nekojowi ja
taq naquu' ri', majani' ta k'a ja ri ojeer, ronojeel
jaay nko'j wi'.



Naq k'a ja qas rusamajiik ja ch'upup.

Ja k'a kaamiik k'iy tinaamit nek'ayix wi' ja taq saamaaj ri'.

Chi paam k'a ja ya' nk'ajm to wi' ja ch'upup, k'in xa juumeej nk'ejti chi paam ja jun junaa'.

Ee k'oli ja winaqii' q'aniij jaa' wari' ja neekeb'an chi paam ja kik'asalemaal.

Najb'eey nkeeq'at ja ch'upup chi paam ja ya'. K'ajaa' k'a ri'.

Nkeesa' chi ruuwach q'iij.


Toq k'a nchaqiji, k'ajaa'

k'a ri' nchapataj

runujk'iik, naq ja

najo'x chi re ja

nb'ajni.



Wi warab'al poj p nb'ajn chi re, q'anij k'a ju'jun
nooki. Wi k'a xataq xupub'al q'aaq nb'ajni, ka'i' oxi'
nb'ajn chi re ja ch'upup.

Jaa k'awa' taq saamaaj
nkeeb'an ja qach'alaal ri', wi
naatz'at chi utz, nim
ruuwach ruuq'iij ja jun
saamaaj ri'.



Ja Chapoj Ch'uu'

Naq tinaamit nchajp wi' ja ch'uu'.

Konojeel ja taq Tz'utujiil tinaamitaal nkeechap ja ch'uu'. Ja winaqii' q'anij jaari' ja kisamaaj, ma k'o chi ta juule' naquun nkeeb'an. Ee je'ee' kojtaq naq q'iiij, naq iik' ee k'o k'iy ja chuu'. Kotaq rumaal b'enaq keek'u'x ruk'iin.



Kojtaq chi k'o ti ch'akooj chi riij xa k'a rumajk
ari' kerì' nkeeb'an.

Ee k'o juulee' ja winaqii' nekeechap ch'uu' ja xa ti
rixiin qaaj ruuwach keewaay ee je'ee'. Ee je'ee' ari'
chi ruuchi' ya' nek'eje' qaaj wi'.



Naq nkeetij ja taq ch'uu' toq nechapataji.

Ja nkeeb'an ja winaqii' chi re ja chapoj ch'uu', najb'eey,
nkikonooj taq keewaay ja taq ch'uu'. Utz k'a toq xkeeb'e,
ee k'o chi na nechapab'exi ja taq chikop.

Kani' chi re taq ch'uu', jaari' ja taq juut, taq tz'ub'ul kik',
k'in taq xixil.





Ja taq juut, ne'ijlataji b'aar chi ri'
k'o wi' ch'ab'aq.

Ja tz'ub'ul kik', ne'ijlataj pa ya'
chi ruuxee' taq aab'aj.

Ja k'a xixil, ee k'o chi paam ja
q'uux.

Rusaamajixiik ja Saqkiiy

Awojtaq ruuwach ja saqkiiy, k'in b'a chi ri' nsamajix wi'.
Najb'eey nkonoxi ja saqkiiy ja q'an chik.

Nchojyi k'in nelisaxi ja ruutza'm, utz k'a chi ma keruutoq'
ja winaqii'.



Njosq'ixi chi utz toq nek'amar chi paam ja juuyu'.


Nchapataj ruch'ejyiik, nelisaxi ja riij k'in chaqajaa'
ja ruukiyy, utz k'a toq nya' chi paam ja ya' neeli
ronojeel, q'anij saq nk'eje' kaan. K'ajaa' k'a ri'
nchapataj ruchaqijisaxiik.



Nkeemaj runujk'iik ja saqkiy,
nkeeb'atz' ja kolo', nkeeb'ol ja k'aam.

Ja k'aam nok chi re rub'ajniik ja ri
ijqaya'l, ya'l, teem, k'in ee k'oli
nekojowi chi re ruuwaay paas, toq
nkejmi.





Ee k'iy na ja winaqii' nesamajini ja saqkiy,
ja nkich'akab'eej ja keewaay kuk'uyaa', kixiin
ja taq kalk'uwaal.

Qas utz ja rusamajixiik ja saqkiy nkeeb'an.






Ja winaqii' ja nesamajiini ja saqkiiy, ee je'ee'
k'a ri' ja ri aj Xe' Tok'or.

Ja ri ojeer, konojeel ja tinaamit nesamajini ja
saqkiiy. Ja k'a kaamiik chik, xa k'a ruuyoon
chik ja Xe' Tok'or k'o chik wi' ja saqkiiy, k'in
xa chi ri' chik nsamajix wi'.





Ja Xe' Kuku' Aab'aj k'a ma jaru' ta junaa'
kiya'oon kaan ja rusamajixiik ja saqkiy.

Jun nimalaj to'ooneem nuuya' chi ke ja
winaqii' toq nkik'ayii' ja taq naquun ja
kib'anoon chi re ja saqkiy.



Keem

Naq chi keemaal nkeeb'an ja ri ixoqii' chi paam ja qatinaamit.

Ja keem, jaari' ja kisamaaj qas nkeeb'an ja ri ixoqii' chi paam ja qatinaamit.

Chi paam ja qab'ajniik, ja keem jaari' ja qas nim ruuq'iiij xya'i, rumajk ja na'ooj ja nya' chi paam kumaal ja nimaq taq ixoqii'.



Esta publicación fue impresa en los talleres gráficos de Serviprensa S.A. en el mes de noviembre de 2003. La edición consta de 1000 ejemplares en papel bond 80 gramos.

